

商兼齊管晏總漢蕭張易代而生易地而理遭遇豐約亦皆然矣嗚呼奇謀奮發美志天遏吁嗟嚴立咸受謫罰聞之痛之或泣或絕甘棠勿剪駢邑斯奪繇是而言殊途共轍本於忠恕孰不感悅苟非誠慤徒云固結古柏森森遺廟沉沉不殄禋祀以迄于今靡不駿奔若有昭臨蜀國之風蜀人之心錦江清波玉壘峻岑入海際天如公德音

刻武侯碑陰

孫樵

赤帝子火熾四百年大厭其熱洎獻燼矣武侯獨憤不顧收死灰於蜀欲噓而再燃之艱乎爲力哉是以四稱武岐雍間地不尺闊抑非智不周天意炳炳然也夫以武侯之賢當靡籌其不

道藏輯要

忠武侯集
碑記

三

星集五
X 6 L

可也蓋激備隆中天下託不欲曲肱安穀終兒女子手將驅馳死備志邪由是覈武侯之所爲殆庶幾矣然跨西南一隅與吳魏抗國提卒數萬綽綽乎去留無我支者是亦善爲兵矣史壽以爲短應變真抑武侯哉俾武侯不早入地曹之君臣將奔走固圍之不暇鍾鄧甯能越巖懸兵決勝指取邪是井絡之野與武侯存亡俱矣天殲武侯其不愛劉愈明白其姜維何力焉曩蟠南陽時人不與仲毅伍洎受社稷寄擅刑賞柄曾心不愧畏人不疑黷何意氣明信卓卓也武侯死五百載迄今梁漢之民歌道遺烈廟而祭者如在其愛於民如此而久也獨謂武侯之治比於燕奭彼屠齊城合諸侯在下矣